

La Psichiatria d'uffants dal Grischun ha tractà var 1100 minorens

■ (rtr) L'onn passà èn var 1100 minorens vegnids tractads en la Psichiatria d'uffants e giuvenils dal Grischun KJP. Tenor Heidi Echrich, la schefmedia da la KJP, pudessan var 7000 minorens avair problems psichics. Ils ultims onns èn malsognas psichicas tar uffants e giuvenils s'augmentadas. Studis a lung temp, sco quels dal «Robert Koch Institut» en Germania, cumprovan che malsognas psichicas tar uffants e giuvenils èn s'augmentadas considerablamain ils davos onns. Tenor *Heidi Echrich*, schefmedia da la KJP Grischun, vala quai era per il Grischun. Ella quinta cun var 7000 minorens cun difficultads psichicas. Tenor *Reto Mischol*, psicolog directiv da la KJP Grischun, han 900 minorens disturbis socials e psichics massivs e bun 1700 èn pertutgads da deficits da l'attenziun. Las raschuns per l'augment da malsognas psichicas èn multifaras. En la KJP Grischun han ins pudì tgirar e curar l'onn passà pli che 1085 minorens. «Pli baud che nus pudain tractar e pli baud che nus pudain vesair nua ch'in svilup psichic saun è periclità e pli autas èn las schanzas da success», ha ditg Heidi Echrich, la schefmedia da la KJP Grischun.



Pli baud ch'ins po tractar uffants cun problems psichics, tant meglier èsi. FOTO DREAMSTIME

Ina buna collavuraziun cun ils partenaris

Per ch'in tractament a temp funcziunira d'ovri ina collavuraziun interdisciplinara cun las instituziuns e las persunas ch'han da far cun l'uffant u il giuvenil, menziuna il psicolog directiv da la KJP Grischun Reto Mischol: «Grazia a la cooperaziun intensiva e nunbirocratica cun scolas, ser-

vetschs da pedagogia sociala e curativa, cun clinics e cun ils medis e las medias e blers auters partenaris, sco era cun geniturs e persunas da tgira, èsi pussaivel da s'occupar il pli baud pussaivel cun uffants e giuvenils periclitads psichicamain.» Per Reto Mischol na sa chapescha quai betg da sazez, tant pli lauda el la buna collavuraziun cun ils blers partenaris da la KJP Grischun.